

### △致湖北省政府建設廳長石函

石廳長大鑒，頃敝校庶務處長兼商科學院教授周鍾岐先生述及此次奉派出席全國交通會議，順道過漢，承鄂政府以湖北建設委員會主席薦任，等語，竊以

貴省政府薦任周君，藉資建設，引拔得人，欣幸無量，惟周君所任敝校職務至屬重要，相當庖代，殊難其人，而莘莘學子，又以周君教授多術，咸不願其悠然遠適，留挽彌殷，故對於周君一時頗難任其他去，其以國家建設，教育肇基，敝校接歸國人自辦後，校務進展，借重於周君者尤多也，謹為此修函佈悃，尙希

該察，至緝

公誼，敬頌

勛祺

私立嶺南大學

校 長 鍾榮光

副校長李應林

十七，十一，七。

### △致大學學生會副主席何函

逕復者，頃接來函及指導校內各學會及各社等辦法，已悉校

內會社之結合，學校悉聽其自由，以期其多所進益，並得盡量之發展但須向學校立案，方能以正式團體待遇歷來如此辦理，亦本學術自由發展，與友誼自由結合之道也，此復

大學學生會主席何

副校長李應林

十七，十一，十九，

### △致謝日本外務省對支文化事業部

函

逕啓者，頃接

貴國駐廣州總領事矢野真來函，轉達

貴部貽贈敝校之圖書七箱，經付函館丸郵船運抵香港，轉運來省，經已妥收，當即珍重藏儲圖書館中，俾敝校員生，隨時參攷，此不獨學子增進知識，而教育事極，實有光榮，敝校對於

貴部貽贈圖書之厚惠，及

貴國駐廣州總領事之成全，銘感實深，匪言可喻，謹函申謝

，尙希

鑒察，此致

大日本外務省對支文化事業部部長岡部